

**Kvartalni pregled stavova sudske prakse sudova najviše instance u Bosni i Hercegovini¹
od 1. januara do 31. marta 2025. godine.**

➤ **Građansko materijalno pravo**

Oblast	Deskriptor(i)	Stav sudske prakse	Broj predmeta
STVARNO PRAVO			
STICANJE PRAVA SVOJINE	Sticanje prava svojine	Zakonski nasljednik je mogao naslijediti sporne nekretnine samo pod uslovom da je njegov otac bio vlasnik tih nekretnina. Stoga rješenje koje je doneseno u ostavinskom postupku ne sprečava treće lice da istakne zahtjev za utvrđenje prava svojine na tim nekretninama po drugom pravnom osnovu.	Vrhovni sud Republike Srpske 89 0 P 059768 24 Rev
Predmet prava vlasništva	Poljoprivredno zemljište, šume, građevinsko zemljište	Zabrana raspolaganja gradskim građevinskim zemljištem koje je u društveno/državno vlasništvo pribavljeno na osnovu Zakona o nacionalizaciji najamnih zgrada i građevinskog zemljišta, propisana Zakonom o stvarnim pravima F BiH, ne djeluje jer je raspolaganje takvim zemljištem dozvoljeno odredbama ranije donesenog Zakona o građevinskom zemljištu F BiH.	Vrhovni sud Federacije BiH 68 0 P 075312 24 Rev
OBLIGACIONO PRAVO			
Odgovornost za štetu	Objektivna odgovornost za štetu	Država Bosna i Hercegovina je odgovorna za štetu nastalu zbog smanjenja tržišne vrijednosti vozila i neadekvatnog čuvanja u vezi sa krivičnim postupkom provedenim pred Sudom BiH u kome je utvrđeno da je mjera privremenog oduzimanja vozila bila neopravdana.	Sud Bosne i Hercegovine S1 3 P 041370 24 Gž 3
Šteta	Odgovornost za štetu		
	Šteta		

¹ Presude navedene u dokumentu možete naći na Portalu sudske prakse (E-sentenca) koji je dostupan na linku <https://sudskapraksa.pravosudje.ba/>. Portalu takođe možete pristupiti i preko internet stranica sudova najviše instance u Bosni i Hercegovini, odnosno internet stranice Visokog sudskog i tužilačkog vijeća Bosne i Hercegovine.

Odgovornost za štetu	Solidarna odgovornost za štetu	Ugovorni organ i žalbeni organ iz postupka javne nabavke solidarno su odgovorni najpovoljnijem ponuđaču za štetu iz osnova izmakle koristi u situaciji kada je ugovorni organ po uputama žalbenog organa prihvatio ispravu koja nije predviđena tenderskom dokumentacijom, ovo iz razloga jer radi o dovoljno ozbiljnoj povredi nastaloj proizvoljnim tumačenjem jasne pravne norme.	Sud Bosne i Hercegovine S1 3 P 034508 23 Pž
Naknada materijalne štete	Obična šteta	U slučaju kada oštećeni o svom trošku sanira oštećenje, visina naknade štete određuje se u visini novca koji je oštećeni utrošio za saniranje štete.	Vrhovni sud Federacije BiH 29 0 P 036918 24 Rev
Osiguranje	Osiguranje lica	Okolnost da je osiguranik prilikom zaključenja ugovora o osiguranju života namjerno prešutao bolest od čijih posljedica je preminuo, predstavlja razlog za isključenje obaveze osiguravatelja na isplatu osigurane sume.	Vrhovni sud Federacije BiH 58 0 P 232117 24 Rev
Osiguranje	Osiguranje od odgovornosti	Kada se tužiteljica koristila zakonskim pravom pojednostavljenja i ubrzanja naplate manje materijalne štete na vozilu, tako što su se učesnici nezgode saglasili da je za istu odgovoran osiguranik tuženog, te su uredno potpisali evropski obrazac o saobraćajnoj nezgodi, na temelju kojeg joj je vansudski isplaćen iznos od 500,00 KM, pri čemu nije vršen uviđaj od strane policije, ista je izgubila pravo da u parničnom postupku zahtijeva razliku do pune štete.	Vrhovni sud Republike Srpske 89 0 P 083876 24 Rev
Ugovori	Ništav ugovor	U slučaju ništavosti ugovora svaka ugovorna strana vraća ono što je po ništavom ugovoru primila, pa je tuženi u obavezi da tužiteljici vrati nominalni iznos novca koji je ona platila na ime kupoprodajne cijene i isplati priznati iznos na ime ulaganja u adaptaciju predmetnog prostora, što je bila u obavezi po ugovoru o kupoprodaji, sa zakonskim, zateznim kamatama.	Vrhovni sud Federacije BiH 32 0 P 386265 24 Rev
Prestanak obaveze	Zastarjelost	Nakon što je protekao rok od pet godina (opšti rok zastarjelosti potraživanja) u kojem je tužitelj mogao zahtijevati od tuženog ispunjenje obaveze plaćanja kupoprodajne cijene, ugovor se ne više može raskinuti zbog neispunjenja, iz razloga što je pravo povjerioca da zahtijeva ispunjenje obaveze prestalo.	Vrhovni sud Federacije BiH 128 0 P 028070 24 Rev 2

Raskid ugovora	Raskid ugovora zbog neispunjenja	Nakon što je protekao rok od pet godina (opšti rok zastarjelosti potraživanja) u kojem je tužitelj mogao zahtijevati od tuženog ispunjenje obaveze plaćanja kupoprodajne cijene, ugovor se ne više može raskinuti zbog neispunjenja, iz razloga što je pravo povjerioca da zahtijeva ispunjenje obaveze prestalo.	Vrhovni sud Federacije BiH 128 0 P 028070 24 Rev 2
Promjena povjerioca ili dužnika	Preuzimanje duga	Preuzimalac duga odgovara povjeriocu samo za kamate dospjele poslije preuzimanja duga, a za kamate dospjele do dana preuzimanja duga, odgovara samo ukoliko je to izričito ugovoreno ugovorom o preuzimanju duga.	Vrhovni sud Federacije BiH 58 0 Ps 256049 24 Rev
Naknada nematerijalne štete	Zbog neosnovanog lišenja slobode i mjera zabrane	Licu lišenom slobode na osnovu uputnog akta izdatog nakon što je nastupila zastara izvršenja krivične sankcije, pripada pravo na naknadu štete zbog pogrešnog i nezakonitog radu organa u smislu člana 436 stav 1 tačka c) ZKP BiH.	Sud Bosne i Hercegovine S1 3 P 045352 24 Gž
PORODIČNO PRAVO			
Imovinski odnosi	Bračna/vanbračna stečevina	Okolnost da je između parničnih stranaka zaključen Ugovor o doživotnom izdržavanju, kojim je ugovoreno da tuženi kao primalac izdržavanja nakon svoje smrti ostavlja u vlasništvo tužiteljici kao davaocu izdržavanja 1/3 dijela nekretnine koja je predmet spora, ne isključuje pravo tužiteljice da utvrđuje da predmetna nekretnina predstavlja bračnu stečevinu, niti podrazumijeva njeno priznanje da se radi o posebnoj imovini tuženog i predmetnoj nekretnini ne oduzima karakter bračne stečevine.	Vrhovni sud Federacije BiH 29 0 P 032318 24 Rev
RADNO PRAVO			
Otkaz ugovora o radu	Otkaz ugovora o radu zbog odgovornosti za težu povredu radnih obaveza iz ugovora o radu	Kada je radnik u toku sudskog postupka po sudskoj mjeri osiguranja vraćen na posao i ostvarivao prava i obaveze po osnovu otkazanog ugovora o radu, poslodavac nije iscrpio svoje pravo otkazivanja kada je radnik počinio nove povrede radne obaveze koje su same za sebe temelj za izvanredan otkaz ugovora o radu i opravdavaju predmetni vanredni otkaz.	Vrhovni sud Federacije BiH 65 0 Rs 740597 24 Rev

Zaključivanje ugovora o radu	Radnopravni status direktora/menadžerski ugovor	Zakonska obaveza provođenja procedure javnog oglašavanja za prijem u radni odnos ne primjenjuje se na menadžerski ugovor sa elementima ugovora o radu koji je zaključen u vrijeme kada takva zakonska obaveza nije bila propisana, bez obzira što ugovornu obavezu raspoređivanja bivšeg direktora na odgovarajuće radno mjesto treba ispuniti u vrijeme kada postoji zakonska obaveza javnog oglašavanja za prijem u radni odnos.	Vrhovni sud Federacije BiH 58 O Rs 242007 24 Rev
RADNO PRAVO	Zaključivanje ugovora o radu		
PRIVREDNO PRAVO			
Mjenica	Mjenica	Okolnost da je imalac bjanko mjenice u istoj pogrešno označio vrijeme dospelosti mjenične obaveze nema za posljedicu ništavost mjenice.	Vrhovni sud Federacije BiH 53 O P 074309 24 Rev
ZAŠTITA OD DISKRIMINACIJE			
Tužbe za zaštitu od diskriminacije	Tužba za utvrđivanje diskriminacije	Kako neposredna diskriminacija podrazumijeva nejednako postupanje prema jednakima, odnosno nepovoljnije postupanje prema licima ili grupi lica u istoj ili sličnoj situaciji, to označavanje u tužbi nepodobnog odnosno neodgovarajućeg komparatora ne može ishoditi utvrđenje postojanja diskriminacije.	Vrhovni sud Republike Srpske 71 O Rs 378277 24 Rev

➤ **Građansko procesno pravo**

Oblast	Deskriptor(i)	Stav sudske prakse	Broj predmeta
PARNIČNI POSTUPAK			
Postupak po pravim lijekovima	Razlozi za ukidanje prvostepene presude	Odredba o zabrani dvostrukog ukidanja prvostepene presude ne odnosi se na ukidanje prvostepenog rješenja.	Vrhovni sud Federacije BiH 39 O P 055480 24 R 2

	Žalba protiv rješenja		
Dokazi	Osiguranje dokaza	Postupak kojeg su tužitelji, kao kupci, pokrenuli radi osiguranja dokaza u pogledu postojanja i obima nedostatka kupljene stvari, bez uticaja je na tok prekluzivnog roka u kome se mora podnijeti tužba radi ostvarivanja prava zbog nedostatka stvari.	Vrhovni sud Federacije BiH 65 O P 692942 24 Rev
Sudske odluke	Dopunska presuda	Kada tužitelj prvostepenu presudu ne pobija samo zato što prvostepeni sud nije odlučio o njegovom eventualnom tužbenom zahtjevu, tada nema uslova da se njegova žalba smatra prijedlogom za donošenje dopunske presude.	Vrhovni sud Federacije BiH 58 O P 178284 24 Rev
Sudske odluke	Presuda	Presuda kojom se odbija tužbeni zahtjev kao očigledno neosnovan nije presuda zbog propuštanja, već posebna vrsta presude kojom se, izuzetno, u slučaju ispunjenja uslova iz člana 182. stav 3. Zakona o parničnom postupku, odluka o odbijanju tužbenog zahtjeva donosi bez raspravljanja.	Vrhovni sud Federacije BiH 65 O Rs 649657 25 Rev
Sudske odluke	Presuda zbog propuštanja	Kada tuženi, kome je uredno dostavljena tužba u kojoj je predloženo donošenje presude zbog propuštanja, ne dostavi pismeni odgovor na tužbu, sud je obavezan, bez raspravljanja, donijeti bilo presudu zbog propuštanja kojom usvaja tužbeni zahtjev, bilo presudu kojom odbija tužbeni zahtjev kao očigledno neosnovan. Prvostepeni sud u navedenim okolnostima nema ovlaštenje voditi postupak u kojem će se raspravljati o osnovanosti tužbenog zahtjeva, odnosno zakazati pripremno ročište i glavnu raspravu, te nakon toga donijeti kontradiktornu presudu kojom odlučuje o tužbenom zahtjevu.	Vrhovni sud Federacije BiH 65 O Rs 649657 25 Rev
Opće odredbe	Punomoćnici	Rok za podnošenje punomoći nije zakonski nego sudski rok, i može se produžavati. pa se posljedice propuštanja punomoćnika da postupi u tom roku mogu otkloniti dostavljanjem naknadnog odobrenja stranke za obavljene parnične radnje.	Vrhovni sud Federacije BiH 18 O P 042299 24 Rev

Nadležnost suda	Sukob nadležnosti	Kada je sud donio rješenje o izvršenju ali isto nije moglo biti uručeno izvršeniku na adresu iz rješenja, jer isti ne boravi na toj adresi, naknadnim pribavljanjem nove adrese izvršenika na području mjesejr nadležnosti drugog suda, ne mijenja se nadležnost tog suda jer je on dužan da izvrši dostavu na novu adresu, budući da je samo sud koji je donio rješenje o izvršenju ovlašten da odluči o prigovoru na to rješenje o izvršenju.	Vrhovni sud Federacije BiH 65 O Mal 1096431 24 R
Troškovi postupka	Odlučivanje o zahtjevu za naknadu troškova	U situaciji kada je sud usvojio primarni tužbeni zahtjev nema mjesta odbijanju eventualnog zahtjeva, pa je tužiteljica u cijelosti uspjela u sporu i ima pravo na naknadu cjelokupnih troškova postupka.	Vrhovni sud Federacije BiH 29 O P 032318 24 Rev
Troškovi postupka	Troškovi svjedočenja	Svjedok ne gubi pravo da naknadno potražuje troškove nastale svjedočenjem, ukoliko je sud svjedoka propustio propisno upozoriti o njegovim pravima nakon davanja iskaza.	Sud Bosne i Hercegovine S1 3 P 043736 24 Gž

➤ **Krivično materijalno pravo**

Oblast	Deskriptor(i)	Stav sudske prakse	Naziv suda i broj predmeta
Opšti dio			
Kazne	Rad za opće dobro na slobodi	Zamjena kazne zatvora radom za opšte dobro na slobodi nije obaveza, nego se u svakom konkretnom slučaju procjenjuje da li optuženi sveukupnim ponašanjem zaslužuje ovakav tretman kod izvršenja kazne.	Apelacioni sud Brčko distrikta 96 O K 155826 24 Kž
Kazne	Opća pravila za odmjeravanje kazne	Ponašanje optuženog u skladu sa etičkim i društvenim normama trebalo bi biti uobičajeno ponašanje bilo kog građanina, zbog čega se i ne može tretirati kao olakšavajuća okolnost.	Apelacioni sud Brčko distrikta 96 O K 161484 24 Kž

Posebni dio			
KRIVIČNO PRAVO - POSEBNI DIO	Individualna i komandna odgovornost Elementi komandne odgovornosti	Komandna odgovornost predstavlja oblik odgovornosti a ne način izvršenja djela, zbog čega je u primjeni iste potrebno voditi računa da se optuženo lice ne stavi u teži položaj na način da se njegov propust u poduzimanju određenih radnji tretira kao perceptivno saizvršilaštvo, obzirom da nadređeni, po institutu komandne odgovornosti ne dijeli namjeru podređenog ka finalnoj posljedici prema oštećenom.	Sud Bosne i Hercegovine S1 1 K 016629 24 Krž 3
KRIVIČNO PRAVO - POSEBNI DIO	Zloupotreba u postupku javne nabavke	Kada je u pitanju odgovornost za pravilnost podataka dostavljenih uz ponudu u postupku javnih nabavki, svojstvo odgovorne osobe ima onaj tko je takvu ponudu u skladu sa svojim ovlaštenjima podnio i potpisao. U tom kontekstu je irelevantno da li se radi o vlastoručnom potpisu ili faksimilu.	Apelacioni sud Brčko distrikta 96 0 K 151649 24 Kž 2

➤ **Krivično procesno pravo**

Oblast	Deskriptor(i)	Stav sudske prakse	Naziv suda i broj predmeta
Opšte odredbe			
Troškovi krivičnog postupka	Nagrada i nužni izdaci branioca	Branilac nema pravo na nagradu za pristup ročištu na kojem se objavljuje presuda jer prisustvo toj procesnoj radnji nije obavezno.	Apelacioni sud Brčko distrikta 96 0 K 136967 24 Kž 2
Pritvor	Opće odredbe o pritvoru Pritvor nakon potvrđivanja optužnice i kontrola opravdanosti pritvora	Pritvor nakon potvrđivanja optužnice, u situacijama kada se lice kontinuirano nalazi u pritvoru, ima se računati od dana potvrđivanja optužnice.	Sud Bosne i Hercegovine S1 2 K 050727 25 Kž

➤ **Upravno pravo**

Oblast	Deskriptor(i)	Stav sudske prakse	Naziv suda i broj predmeta
Upravno materijalno			
POREZI, DOPRINOSI TAKSE	Porez na dobit	Prilikom utvrđivanja poreske osnovice za plaćanje poreza na dobit, obračunate kamate i pripadajući troškovi po osnovu zajma i kredita, mogu se priznati na teret rashoda, samo ako su vezani za zajmove i kredite koji se uzimaju za obavljanje poslovne djelatnosti.	Vrhovni sud Republike Srpske 11 0 U 031243 23 Uvp
PENZIJSKO INVALIDSKO OSIGURANJE	Obustava isplate penzija	Obustava isplate penzije se može utvrditi najranije od 01.03.2018.godine kada je stupio na snagu Zakon o penzijskom i invalidskom osiguranju Federacije BiH, bez obzira što potvrda o životu nije dostavljena ni prije tog datuma, jer ranijim Zakonom nije bila predviđena takva obaveza za osiguranike.	Vrhovni sud Federacije BiH 09 0 U 041278 24 Uvp
PENZIJSKO INVALIDSKO OSIGURANJE	Invalidska penzija	Pravilan je zaključak organa da tužiteljica ne ispunjava uslove za ostvarivanje prava na invalidsku penziju, jer je u provedenom postupku nesporno utvrđeno da je kod iste gubitak radne sposobnosti nastao nakon ispunjenja uslova za starosnu penziju u pogledu godina života (65 godina).	Vrhovni sud Republike Srpske 11 0 U 031662 23 Uvp
POREZI, DOPRINOSI TAKSE	Porez na nepokretnosti/imovinu	Kako je tužilac uplatnicom od 30.11.2020. godine dokazao da je izmirio svoju obavezu po poreskom računu za porez na nepokretnosti za 2020. godinu, proizlazi da je Poreska uprava bila dužna da izvrši preknjižavanje pogrešne uplate i bez zahtjeva tužioca kao poreskog obveznika zato što je na uplatnici navedeno da se plaća upravo taj porez na nepokretnosti za 2020. godinu, pri čemu je tužilac u rubrici „svrha uplate“ naveo da plaća porez na nepokretnosti za 2020. godinu, pa iako je u rubrici broj poreskog obveznika naveo svoj raniji rezidentni broj koji je poništen 2017. godine, a propustio je da navede svoj sadašnji važeći nerezidentni broj, pa kako Poreska uprava u evidenciji ima	Vrhovni sud Republike Srpske 11 0 U 031591 23 Uvp

		oba poreska broja bila je dužna da izvrši preknjižavanje pogrešne uplate po službenoj dužnosti.	
POREZI, DOPRINOSI TAKSE	Sudska taksa	Tvrdnja tužioca da zbog lošeg materijalnog i zdravstvenog stanja ispunjava uslove za oslobađanje od plaćanja sudskih taksa, nema značaja u postupku donošenja rješenja kojim sud određuju obavezu plaćanja takse, kada iz stanja spisa proizilazi da je prijedlog tužioca za oslobađanje od plaćanja taksa u predmetnom upravnom sporu pravosnažno odbijen.	Vrhovni sud Republike Srpske 14 0 U 006489 24 Už 2
POREZI, DOPRINOSI TAKSE	Porez na nepokretnosti/imovinu	Kada je tužilac poreski račun za porez na nepokretnosti za poresku 2020. godinu, u cijelosti blagovremeno platio 7. avgusta 2020. godine i jasno odredio da plaća porez na nepokretnost za poresku 2020. godinu, tuženi nije mogao ovu uplatu drugačije računati i istom zatvarati neke ranije neplaćene poreske obaveze, već samo onako kako je tužilac naznačio na uplatnici.	Vrhovni sud Republike Srpske 11 0 U 031590 23 Uvp
IMENOVANJE/R AZRJEŠENJE	Imenovanje i razrješenje direktora javnih preduzeća i ustanova	Neosnovan je i prigovor da zainteresovano lice koje je imenovano za direktora Centra ne ispunjava posebne uslove koji su navedeni u konkursu, a to je uslov da prijavljeni kandidat ima „najmanje 3 godine radnog iskustva na poslovima kulture i informisanja“, jer je nakon obavljenog intervjua i uvida u priloženu dokumentaciju (potvrda JU Srednjoškolski centar u F. i odluka o imenovanju Upravnog odbora Udruženja roditelja „P.“) Komisija za izbor zaključila da samo radno mjesto profesora srpskog jezika obuhvata i poslove iz oblasti informisanja, budući da je kao profesor, odnosno voditelj đaka na takmičenjima vršila informisanje prema nadležnim institucijama (direktor, ministarstvo prosvjete i kulture te uopšte isticanje obavještenja o radu). Imenovana je predsjednik Upravnog odbora Udruženja roditelja „P.“, čime je dokazala da se bavi rukovodnim i organizacionim poslovima, što je sve u prilog zaključku da ima iskustvo iz oblasti rada u kulturi i traženo iskustvo iz oblasti informisanja, a posjeduje organizacione i rukovodne sposobnosti.	Vrhovni sud Republike Srpske 15 0 U 005516 23 Uvp
IMOVINSKO- PRAVNI ODNOSI	Upis promjene u katastarskom operatu	U postupku upisa promjene u katastarskom operatu se ne može utvrđivati stvarno-pravni status predmetne nekretnine, nego se promjena posjednika na nekretnini može izvršiti samo na osnovu postojeće pravosnažne odluke suda ili drugog nadležnog organa ili na osnovu ugovora ovjerenog kod suda.	Vrhovni sud Federacije BiH 03 0 U 024135 24 Uvp

IMOVINSKO-PRAVNI ODNOSI	Ispravljanje greške u katastarskom operatu	Kod činjenice da je postupak izlaganja na javni uvid predmetnih nepokretnosti za k.o. P.D. okončan i da je stupio na snagu, dana 26.05.2019. godine po objavljivanju u „Službenom glasniku Republike Srpske“ broj 39/19, to se greške upisa nastale u postupku izlaganja mogu otkloniti primjenom odredbe člana 140. stav 2. Zakona o premjeru i katastru Republike Srpske.	Vrhovni sud Republike Srpske 11 0 U 031770 23 Uvp
IMOVINSKO-PRAVNI ODNOSI	Uzurpacije	I po ocjeni ovog suda bili su ispunjeni uslovi iz člana 5 stav 1 i člana 6 stav 1 a u vezi sa članom 8 Zakona o uzurpacijama da se zainteresovanim licima prizna pravo svojine na uzurpiranom zemljištu, jer je na osnovu svih provedenih dokaza (javne rasprave, saslušanih svjedoka, uviđaja na licu mjesta od strane stručnog lica geodetske struke, nalaza vještaka šumarske struke), utvrđeno da je predmetno zemljište uzurpirano prije 31.12.1955. godine i da parcela k.č. br. 1323 na dan 06.4.1941.godine nije bila po kulturi šuma što proizlazi iz nalaza vještaka šumarske struke.	Vrhovni sud Republike Srpske 14 0 U 005418 23 Uvp
IZBORNI ZAKON BIH	Zloupotreba djece u političke svrhe	Zloupotreba djece u političke svrhe, naročito kroz objavljivanje video materijala u kojem se djeca, kao osjetljiva kategorija društva, koriste za promociju političkih subjekata i kandidata, predstavlja kršenje Izbornog zakona BiH i Konvencije o pravima djeteta. Time se ugrožavaju dječija prava, narušava njihova privatnost i zaštita od iskorištavanja.	Sud Bosne i Hercegovine S1 3 Iž 049957 24 Iž
IZBORNI ZAKON BIH	Davanje saglasnosti	Centralna izborna komisija BiH ovlaštena je da noveliranjem Uputstva o utvrđivanju, kvalifikaciji, broju, imenovanju, obuci i razrješenju članova Izborne komisije osnovne izborne jedinice u BiH, izmjeni pravila i kriterije u cilju obezbjeđenja većeg kvaliteta izabranih kandidata. Prilikom davanja saglasnosti za imenovanje članova Opštinskih izbornih komisija, Centralna izborna komisija BiH cijenit će ispunjenje uslova koji su na snazi u vrijeme davanja saglasnosti.	Sud Bosne i Hercegovine S1 3 Iž 047249 24 Iž
Organi za provedbu izbora	Izbor članova opštinskih izbornih komisija	Multietničnost izborne komisije podrazumijeva obavezno prisustvo predstavnika svih konstitutivnih naroda ako to broj članova komisije i nacionalnost prijavljenih kandidata dopuštaju, kako bi se osigurala objektivnost, ravnopravnost i nepristrasnost izbornog procesa.	Sud Bosne i Hercegovine S1 3 Iž 047059 23 Iž
ZAKON O JAVNIM NABAVKAMA BIH	Poništenje postupka javne nabavke po službenoj dužnosti	U postupku javne jабavke, kada se utvrdi da je tenderska dokumentacija u suprotnosti za ZJN, što predstavlja bitnu povredu zakona, URŽ po službenoj dužnosti je obavezan da ponisti postupak i o tome pravovremeno obavijesti ugovorne organe.	Sud Bosne i Hercegovine S1 3 U 043215 23 Uvp

ZAKON AKCIZAMA BIH	O U	Povrat plaćene akcize	Pravo na povrat uplaćene akcize za izvezene duhanske prerađevine ne postoji ukoliko poreski obveznik nije ispunio zakonsku obavezu vraćanja akciznih markica, čime nije dokazao pravo na povrat sredstava.	Sud Bosne Hercegovine S1 3 U 044352 24 Uvp
ZAKON DRŽAVNOJ SLUŽBI INSTITUCIJAMA BIH	O U	Nespojivost sa dužnostima državnih službenika	Licu postavljenom za državnog službenika kojem je tokom neplaćenog odsustva iz državne službe prestao taj status uslijed imenovanja na funkciju izuzetu iz primjene Zakona o državnoj službi u institucijama BiH, ne pripada pravo na automatski povratak u državnu službu po isteku mandata.	Sud Bosne Hercegovine S1 3 P 046296 24 Gž
Osnovne odredbe		Pripadnost mandata i prestanak mandata	Mandat izabranog člana organa vlasti na svim nivoima prestaje danom pravosnažnosti presude kojom mu je izrečena kazna zatvora od šest mjeseci ili duže, bez obzira na eventualno podnošenje vanrednih pravnih lijekova, jer pravne posljedice osude nastupaju samim danom pravosnažnosti presude.	Sud Bosne Hercegovine S1 3 Iž 047576 24 Iž
PRAVA IZ ZDRAVSTVENOG OSIGURANJA	IZ	Pravo na refundaciju i naknadu plate/plaće	Pravilno je odbačen kao neblagovremen zahtjev tužioca za refundaciju neto plate za vrijeme bolovanja njegove radnice, jer je zahtjev za ostvarivanje prava na refundaciju neto plate podnesen 26.10.2022. godine, a radnica je porodijsko odsustvo počela koristiti 07.3.2022. godine.	Vrhovni sud Republike Srpske 11 0 U 033770 23 Uvp
Eksproprijacija		Eksproprijacija preostalih nepokretnosti	Pravilno su organi uprave zaključili da je zainteresovano lice nakon eksproprijacije nepokretnosti izgubilo privredni interes za korišćenje preostalih parcela, jer je u provedenom postupku utvrđeno da do istih nije obezbjeđen pristup, niti se na izgradnji istog obavljaju bilo kakvi radovi, a niti postoji bilo kakav dokaz o tome da inestitor namjerava graditi pristupni put.	Vrhovni sud Republike Srpske 11 0 U 031797 23 Uvp
INSPEKCIJSKI NADZOR		Otklanjanje nezakonitosti prilikom izgradnje	Bez osnova je pozivanje stranke na rješenje nadležnog organa za privremeno zauzimanje zemljišta u svrhu postavljanja objekta koji je predmet inspeksijske kontrole, jer to rješenje ne predstavlja valjan pravni osnov da predmetni objekat bude izveden, odnosno dograđen i stavljen u upotrebu, s obzirom na to da je to samo jedan od dokaza koje je neophodno pribaviti u postupku izdavanja odobrenja za građenje.	Vrhovni sud Republike Srpske 11 0 U 032919 23 Uvp
Upravni postupak				

POSEBNI SLUČAJEVI PONIŠTAVANJA, UKIDANJA MIJENJANJA RJEŠENJA	Oglašavanje rješenja ništavim	Ništavim se može oglasiti rješenje kojim je okončan upravni postupak pod uslovom da isto sadrži nepravilnost koja je po nekoj izričitoj zakonskoj odredbi predviđena kao razlog ništavosti.	Vrhovni sud Republike Srpske 12 0 U 009218 24 Uvp
Upravni spor			
Upravni spor	Postupak zaštite sloboda i prava pojedinaca zajemčenih ustavom	Okružno javno tužilaštvo je državni organ iz oblasti pravosuđa, a ne organ uprave, zbog čega se zahtjev za zaštitu Ustavom zajamčenih prava i sloboda navodno povrijeđenih aktima Glavnog okružnog javnog tužioca ne može podnijeti na osnovu odredbe člana 53. Zakona o upravnim sporovima.	Vrhovni sud Republike Srpske 11 0 U 034737 24 Uvp
Upravni spor	Pravo pokretanja upravnog spora	Upravni postupak koji nije usmjeren na zaštitu tužiteljevih licenciranih prava (ekskluzivna prava za emitiranje fudbalskih utakmica) već na utvrđivanje kršenja pravila o distribuciji medijskih usluga ne može se smatrati povredom licenciranih prava odnosno subjektivnog prava ili neposrednog ličnog interesa tužitelja iz kojeg razloga u upravnom sporu tužitelj nema aktivnu legitimaciju za pokretanje istog.	Sud Bosne i Hercegovine S1 3 U 043100 24 Uvp
Zahtjev za preispitivanje/vanredno preispitivanje sudske odluke	Zahtjev za preispitivanje sudske odluke	Svako učešće člana VSTV-a u diskusiji o kandidatima iz institucije u kojoj obavlja funkciju može predstavljati sukob interesa, čak i ako ne učestvuje u glasanju, te se u takvim situacijama članovi VSTV-a moraju izuzeti iz cijelog postupka odlučivanja kako bi se osigurala nepristrasnost i zakonitost procesa imenovanja.	Sud Bosne i Hercegovine S1 3 U 049611 25 Uvp